



## **KOMUNIKADO PA PRENSA**

*Fecha*  
29 di mart 2016

*Kolaboradó di Maneho*  
Xiandra Rojer

*Email*

### **MINISTER CAMELIA-RÖMER TA PARTISIPA NA "P3a Conference 2016" NA ARUBA**

Willemstad – Minister Suzy Camelia- Römer a partisipá na e último dia di konferensha di P3a na Aruba riba invitashon di Minister Presidènt di Aruba sr. Mike Eman. E konferensha aki tabata di 22 pa 24 di mart i a trata temanan manera kon atendé ku oseano, agrikultura sostenibel, turismo sostenibel, energia renobabel, infrastruktura i finansa. E konferensha tabata un koperashon entre gobièrnu di Aruba i Nashonnan Uní. Na e konferensha aki tambe a partisipá kolaboradónan di e departamento di maneho di Ministerio di Tráfiko, Transporte i Planifikashon Urbano. E konferensha tabata hopi importante pa islanan chikí i e partisipantenan por a interkambiá ku otro kon kada isla ta resolvé su problemanan di espasio, awa, energia i infrastruktura.

Entre e oradornan ku a trese diferente tópikonan interesante, sra. Römer a splika kon Kòrsou ta usa e prinsipio di tripel P ( Public Private Partnership). Ya pa basta aña Korsou ta aplika e konsepto di tripel P pero den vários okashon nos a dun'é un otro nòmber. Por ehèmpel nos por mira esaki den entre otro proyektonan manera Curaçao Airport Partners (CAP), Curaçao Airport Holding (CAH), Curaçao Ports Authority (CPA).

Sra. Römer a papia tambe di e proyektonan di tripel P ku tin pa bibienda na Kòrsou, kual a duna un kantidat di 568 bibienda na famianan ku un entrada di media klase den e último añanan. Tambe a papia di e resilensia ku mester bin pa atendé ku lugánan ku por yena ku awa ora tin hopi yobida. Pa e maneho di awa aki sra. Römer a buska koperashon ku UNOPS (United Nations Office for Project Services) pa atendé Kòrsou su problemanan di awa na teritorionan manera Saliña, Zeelandia i dam na Malpais. Mester atendé tambe ku dam ku ta kibrá i awanan den kayanan ku mester keda dirigí pa un kaminda responsabel pa por hasi uso di nan atrobe. Un proyekto ku sra. Römer tin hopi atenshon pe ta drecha e parke di mangrove ku tin na Otrobanda.

Sra. Römer a splika tambe e laso di koperashon ku tin ku UNOPS pa drecha kamindanan na Kòrsou. El a duna un bon splikashon kon Kòrsou komo un isla chikí ta manehá e espasio limitá ku nos tin na nos disposishon. Kon nos mester kuida loke



## KOMUNIKADO PA PRENSA

*Fecha*

29 di mart 2016

*Kolaboradó di Maneho*

Xiandra Rojer

*Email*

tin, sin kometé fayó, pasobra ta nos naturalesa nos ta dañá na e momento ei i ku ta kos ku bo no por drecha ora dañá.